

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/17, 04.02.2022թ.

Բողոք բերող անձ՝ «Սոֆթ Թրեյդ» ՍՊԸ

Պատվիրատու՝ ՀՀ Ազգային ժողով

Գնման ընթացակարգի ծածկագիրը՝ ՀՀ ԱԺ ԷԱՃԱՊՁԲ-22/3

Գնման առարկան՝ տնտեսական և սանահիգիենիկ ապրանքների ձեռքբերում

Բողոքի պահանջը՝ պարտավորեցնել «ՀՀ ԱԺ ԷԱՃԱՊՁԲ-22/3» ծածկագրով ընթացակարգի գնահատող հանձնաժողովին՝

1. մասնակի փոփոխել 01.02.2022թ թիվ 3 արձանագրությունը,
2. դադարեցնել «Սոֆթ Թրեյդ» ՍՊԸ-ի 4-րդ և 9-րդ չափաբաժինների վերաբերյալ պայմանագիր կնքելու իրավունքից զրկելու մասին որոշումը,
3. չեղարկել «ՀՀ ԱԺ ԷԱՃԱՊՁԲ-22/3» ծածկագրով 4-րդ և 9-րդ չափաբաժինները չկայացած հայտարարելու մասին որոշումը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



«ՀՀ գնումների հետ կապված բողոքներ քննող անձին»

«ՍՈՖԹ ԹՐԵՅԴ» ՍՊԸ
պետական գրանցման համարը՝ 290.110.825067
ՀՎՀՀ՝ 01263355

հասցե՝ ՀՀ ք. Երևան Շերամի փողոց 90/6
տնօրեն՝ Արթուր Էմիլի Սարգսյան
ն/ք՝ 001563006, տրված 11.04.2014թ. 012-ի կողմից
հասցե՝ ՀՀ ք. Երևան Բաշինջաղյան փողոց 159/1 շ. 32 բն.

Ներկայացուցիչ փաստաբան՝ Հակոբ Քոյլոյանից
փաստաբանական գործունեության արտոնագիր՝ թիվ 2707
ն/ք՝ 012715868, տրված 30.04.2020թ., 013-ի կողմից
հասցե՝ ՀՀ ք. Երևան Դավթաշեն 4-րդ թաղ. 11շ. 7բն.
հեռ՝ 099997665

էլ. փոստ՝ koyloyan27@gmail.com

պատվիրատու՝ ՀՀ ազգային ժողով
հասցե՝ ՀՀ ք. Երևան Մարշալ Բաղդամյան 19

գնման ընթացակարգի ծածկագիրը և առարկան՝
ՀՀ ԱԺ կարիքների համար
տնտեսական և սանիտարահիգիենիկ ապրանքների
ծեղքերման նպատակով հայտարարված
թիվ «ՀՀ ԱԺ ԷԱՃԱՊՁԲ-22/3»
ծածկագրով էլեկտրոնային աճուրդ

ԲՈՂՈՔ

1. Բողոքի քննության համար էական նշանակություն ունեցող փաստական հանգամանքները.

- 1.1. ՀՀ ազգային ժողովը (այսուհետ նաև Պատվիրատու) իր կարիքների համար տնտեսական և սանիտարահիգիենիկ ապրանքների ծեղքերման նպատակով 16.12.2021 թվականին հրապարակել է թիվ «ՀՀ ԱԺ ԷԱՃԱՊՁԲ-22/3» էլեկտրոնային աճուրդը (այսուհետ նաև գնման ընթացակարգ):
- 1.2. Գնման ընթացակարգին մասնակցության հայտ է ներկայացրել նաև «ՍՈՖԹ ԹՐԵՅԴ» ՍՊԸ ընկերությունը (այսուհետ նաև Մասնակից):
- 1.3. Գնման ընթացակարգին 4-րդ և 9-րդ չափաբաժիններով ընտրված մասնակից է ճանաչվել «ՍՈՖԹ ԹՐԵՅԴ» ՍՊԸ ընկերությունը:
- 1.4. Պատվիրատուն վերոհիշյալ չափաբաժինների վերաբերյալ պայմանագիր կնքելու առաջարկությունը Մասնակցին ուղարկել է 14.01.2022 թվականին:
- 1.5. Մասնակիցը ստորագրված պայմանագիրը, որակավորման ապահովումը և տրուվանքի մասին համաձայնությունները (այսուհետ նաև Փաստաթղթեր)

Պատվիրատունին ներկայացրել է 01.02.2022 թվականին, փաստացի՝ սահմանված ժամկետից մեկ աշխատանքային օր ուշացմամբ:

- 1.6. Մասնակցի կողմից Պատվիրատուին փաստաթղթերը ուշ ներկայացնելը պայմանավորված է եղել պատասխանատու աշխատակցի՝ Սրբուհի Ալբերտի Պետրոսյանի անաշխատունակության մեջ գտնվելու հանգամանքով, ով հանդիսանում էր Մասնակցի Ընկերությունում գնման ընթացակարգերի համակարգման մասնագետ և ուներ COVID 19 հիվանդության ախտորոշում և մեկուսացված էր դեռևս 01.02.2022 թվականի դրությամբ:
- 1.7. Պատվիրատուն հաշվի առնելով այն հանգամանքը, որ հրավերով սահմանված ժամկետում Փաստաթղթերը չեն ներկայացվել, 01.02.2022 թվականի թիվ 3 արձանագրային որոշմամբ Մասնակցին զրկել է պայմանագիր կնքելու իրավունքից և ի թիվս այլնի՝ չեղյալ է հայտարարել Գնման ընթացակարգի 4-րդ և 9-րդ չափաբաժինները:

2. Գործի փաստական և իրավական հիմնավորումները.

Գնումների մասին ՀՀ օրենքի 36-րդ հոդված 3-րդ մասի համաձայն՝ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից: Պայմանագրով կանխավճար նախատեսվելու դեպքում սույն կետով նախատեսված ժամկետը սահմանվում է 15 աշխատանքային օր:

ՀՀ քաղաքացիական օրենսգրքի 417-րդ հոդվածի համաձայն՝

1. Պարտապանը պարտավորությունը չկատարելու և (կամ) անպատշաճ կատարելու համար պատասխանատու է մեղքի առկայության դեպքում, եթե այլ բան նախատեսված չէ օրենքով կամ պայմանագրով:

Պարտապանը ճանաչվում է անմեղ, եթե ապացուցում է, որ ինքը պարտավորությունը պատշաճ կատարելու համար ձեռնարկել է իրենից կախված բոլոր միջոցները:

2. Մեղքի բացակայությունն ապացուցում է պարտավորությունը խախտած անձը:

3. Ձեռնարկատիրական գործունեություն իրականացնելիս պարտավորությունը չկատարած կամ անպատշաճ կատարած անձը պատասխանատվություն է կրում, եթե չապացուցի, որ պատշաճ կատարումն անհնար է եղել անհաղթահարելի ուժի, այսինքն՝ տվյալ պայմաններում արտակարգ և անկանխելի հանգամանքների հետևանքով, եթե այլ բան նախատեսված չէ օրենքով կամ պայմանագրով: Նման հանգամանքներ չեն, մասնավորապես, պարտականությունների խախտումը պարտապանի կոնտրագենտների կողմից, շուկայում անհրաժեշտ ապրանքների կամ պարտապանի մոտ անհրաժեշտ դրամական միջոցների բացակայությունը:

4. (...):

Նշված իրավանորմերի վերլուծությունից պետք է փաստել, որ Օրենսդիրը Գնման ընթացակարգերի շրջանակում սահմանել է պայմանագրի կնքման համար հստակ ժամկետներ պայմանագիր կնքելու ծանուցումը ստանալուց հետո 10 աշխատանքային օր միևնույն ժամանակ սահմանելով դրա չկատարման արդյունքում պայմանագիրն ստորագրելու իրավունքից զրկելու հնարավորություն: Սույնի համատեքստում պետք է

փաստել, որ Պատվիրատուի կողմից պայմանագիր կնքելու ծանուցմանը առկայության դեպքում Մասնակցի մոտ ծագում է հանդիպական պարտավորություն այն 10 աշխատանքային օրվա ընթացքում ստորագրելու և Պատվիրատուին ներկայացնելու համար, և այդ ժամկետը ինքնին հանդիսանում իրավադատարեցնող ժամկետ, քանզի դրա խախտումը հանգեցնում է պայմանագիր կնքելու իրավունքից զրկելուն, այսինքն որոշակի իրավական հետևանքների վրա հասնելուն:

Պարտավորության պատշաճ չկատարման դեպքերում օրենսդիրը սահմանել է նաև պատասխանատվությունից ազատվելու իրավական հնարավորություններ երբ բացակայում է պարտավորությունը խախտած անձի մեղքը, այդ թվում նաև այն դեպքերում երբ ձեռնարկատիրական գործունեություն իրականացնելիս պարտավորությունը չկատարած կամ անպատշաճ կատարած անձը պատասխանատվություն է կրում, եթե չապացուցի, որ պատշաճ կատարումն անհնար է եղել անհաղթահարելի ուժի, այսինքն՝ տվյալ պայմաններում արտակարգ և անկանխելի հանգամանքների հետևանքով:

Նշվածը համադրելով սույն գործի փաստերի հետ պետք է արձանագրել հետևյալը, որ Մասնակիցը սույն դեպքում ունենալով Գնման ընթացակարգի 4-րդ և 9-րդ չափաբաժինների վերաբերյալ Պատվիրատուի ծանուցումը ստանալուց հետո 10 աշխատանքային օրվա ընթացքում պայմանագիրը կնքելու և Պատվիրատուին ներկայացնելու պարտավորություն այն կատարել է սահմանված ժամկետի խախտմամբ, սակայն այդ մասով բացակայել է Մասնակցի մեղավորությունը առկա անհաղթահարելի ուժի հետևանքով: Ըստ էության կնքված պայմանագիրը, որակավորման ապահովումը և տուժանքի վերաբերյալ համաձայնությունը Մասնակցից Պատվիրատուին է ուղարկել 01.02.2022 թվականին մեկ աշխատանքային օր խախտումով, այսինքն այս դեպքում ոչ թե գործ ունենք պարտավորության չկատարման հետ՝ ինչպես նշել է Պատվիրատուն, իր 01.02.2022 թվականի թիվ 3 արձանագրային որոշմամբ, այլ անպատշաճ կատարման հետ, ուստի քննարկման առարկա պետք է դարձվի այն հանգամանքը, թե՞ արդյոք Մասնակցի կողմից Փաստաթղթերը Պատվիրատուին սահմանված ժամկետի խախտմամբ չներկայացնելու մեջ առկա է արդյոք Մասնակցի մեղքը, թե՞ ոչ և դրանով պայմանավորված կարող են արդյո՞ք վրա հասնել պատասխանատվության հիմքեր, որի արդյունքում Մասնակիցը կզրկվի պայմանագիր կնքելու իրավունքից:

Պայմանավորված այն հանգամանքով, որ Մասնակից Ընկերությունում գնման ընթացակարգերի համակարգման մասնագետ՝ Սրբուհի Ալբերտի Պետրոսյան գտնվել է անաշխատունակության մեջ, պայմանավորված COVID 19 հիվանդությամբ և դեռևս 01.02.2022 թվականի դրությամբ գտնվել է մեկուսցման մեջ և եղել է վատառողջ, ուստի այդ հետևանքների վերացնելը եղել է անհնարին, իսկ Մասնակից Ընկերության գնման ընթացակարգերի վերաբերյալ տեղեկատվությանը և կատարվելիք պարտավորությունների հստակ ժամկետներին տեղյակ է եղել միայն տվյալ աշխատակիցը, ում բացակայությունը խոչընդոտել է պատշաճ կատարել սույն դեպքում առկա պարտավորությունը: Չնայած այդ ամենին Մասնակից Ընկերությունը ձեռնարկել է իրենից կախված ամեն ինչ և տեղեկանալով ժամկետների մասին անմիջապես ուղարկել է անհրաժեշտ Փաստաթղթերը Պատվիրատուին, իսկ գնման ընթացակարգերին մասնակցելու հայտերը բազմաթիվ են, ուստի դրանց տիրապետող անձի վատառողջ լինելը հանգեցրել է անհաղթահարելի իրավիճակի: Նշվածով պայմանավորված գտնում են, որ նախ Մասնակից Ընկերության կողմից ոչ թե՞ չեն կատարվել պարտավորությունները, այլ դրանք կատարվել են

անպատշաճ, որի մեջ բացակայում է Շնչերության մեղքը, ուստի, չեն կարող վրա հասնել պատասխանատվության հետևանքներ, որի արդյունքում Մանսակիցը կզրկվի պայմանագիր կնքելու իրավունքից:

3. պահանջը.

Առաջնորդվելով վերոգրյալով և ղեկավարվելով Գնումների մասին ՀՀ օրենքի 46-րդ և 50-րդ հոդվածների դրույթներով.

Խնդրում եմ՝

պարտավորեցնել թիվ «ՀՀ ԱԺ ԷԱՃԱՊՁԲ-22/3» ծածկագրով էլեկտրոնային աճուրդի գնահատող հանձնաժողովին, մասնակի փոփոխելու 01.02.2022 թվականի թիվ 3 արձանագրությունը և վերացնելու.

- ✓ «ՍՈՖԹ ԹՐԵՅԴ» ՍՊ ընկերությանը 4-րդ և 9-րդ չափաբաժինների վերաբերյալ պայմանագիր կնքելու իրավունքից զրկելու որոշումը.
- ✓ թիվ «ՀՀ ԱԺ ԷԱՃԱՊՁԲ-22/3» ծածկագրով 4-րդ և 9-րդ չափաբաժինները չկայացած հայտարարելու մասին որոշումը:

Կից ներկայացվող փաստաթղթերի ցանկը.

- «ՍՈՖԹ ԹՐԵՅԴ» ՍՊ ընկերության՝ ՀՀ ԱՆ իրավաբանական անձանց պետական ռեգիստրի կողմից տրված պետական ռեգիստրի վկայականի պատճենը.
- «ՍՈՖԹ ԹՐԵՅԴ» ՍՊ ընկերության տնօրենի անձնագրի պատճենը.
- «ՍՈՖԹ ԹՐԵՅԴ» ՍՊ ընկերության կողմից տրված լիազորագիրը.
- Նույնականացման քարտիս պատճենը.
- փաստաբանական գործունեության արտոնագրիս պատճենը.
- Պետական տուրքի վճարման անդորրագիր.
- Սրբուհի Ալբերտի Պետրոսյանի անաշխատունակության թերթիկը:

04.02.2022թ.

Հարգանքով՝

«ՍՈՖԹ ԹՐԵՅԴ» ՍՊԸ ներկայացուցիչ
փաստաբան Հակոբ Քոլոյան